

BUURTWAG



Ons werk saam om u dekking volledig te hou.

BUURTWAG

Die term "Buurtwag" is slegs een van vele terme wat gebruik word om lede van 'n gemeenskap te laat saamwerk met polisieagente in daardie gemeenskap om misdaad te voorkom.

BUURTWAG

Doel van Buurtwag

Die hoofdoel van Buurtwag is om *Saamgestel deur* 'n sekere gebied met die plaaslike polisie te laat saamwerk om kriminele aktiwiteite in daardie area te bekamp. Lede van die gemeenskap moet dus bewus gemaak word van wat om hulle aangaan, 'n groter belangstelling in hul verantwoordelikheid teenoor die gemeenskap as 'n geheel toon, en bewus word van hul potensiaal om misdaad te voorkom.

DEPARTEMENT VAN BESKERMINGSDIENSTE PINETOWN

Die sukses van Buurtwag hang van twee eerste is die betrokkenheid van die gemeenskap, en die tweede, die skakeling tussen die Wag en die plaaslike polisie.

Hierdie doelwit sal bereik word as die gemeenskap as 'n geheel:

- (a) 'n groter belangstelling toon en bewus word van wat in hul onmiddellike omgewing aangaan;
- (b) bewus word van hul gesamentlike potensiaal om misdaad te voorkom.

PINETOWN, NATAL

KORT GESKIEDENIS VAN BUURTWAG IN ANDER LANDE

Die idee van 'n Buurtwag het in die Verenigde State van Amerika ontstaan waar dit oorspronklik die vorm van "waaksaamheidsgroepe" in 'n omgewing aangeneem het wat strate gepatroleer het om misdaad te bekamp.

In 1963 is Buurtwag in Brittanje begin waar dit heelwat gewysig is omdat die Britse publiek en owerhede die Amerikaanse Wagle as te militant beskou het.

Die eerste Buurtwagprojek is deur 'n sersant MacKenzie van Tooting se polisie-eenheid begin in die herfs van 1963 na 'n bejaarde man deur 'n inbreker aangerand is. Die hele buurt was verontwaardig, simpatiek en geskok oor die voorval. Sersant MacKenzie het besef dat die bure iets nodig gehad het waarop hulle kon konsentreer, en omdat hy van die Amerikaanse Buurtwag gehoor het, het hy na sy hoof gegaan met die idee.

Binne 'n jaar is 55 Wagle gestig met sowat 1 400 huisgesinne daarby betrokke. Binne drie jaar was 190 Wagle met 6 368 huisgesinne in werking in sersant MacKenzie se gebied.

Die Britse Ministerie van Binnelandse Sake het 'n opname "Taking account of crime. Key findings from 1984 Crime survey" gedoen waarin 11 000 mense onder meer gevra is of hulle by 'n Buurtwag sal wil aansluit.

Daar is bevind dat die grootste ondersteuners vir Buurtwag persone in die hoër inkomstegroepe in moderne getins huise en jong gesinne in voorstedelike gebiede was.

Ander belangstellendes was mense in skakelhuse en in die luukse Raadselendom.

Die minste ondersteuning het van mense in landbougebiede en gehuurde huise gekom.

Om op te som, daar is bevind dat huiseienaars die idee meer gereedelik ondersteun as huurders, en gesinne meer as geskeides of mense wat vervreemd is van mekaar.

Vandag is daar omtrent 5 000 Buurtwagte in Londen en volgens Kommandeur Roach van Scotland Yard word soveel as 200 per maand gestig.

Volgens hierdie syfers is dit duidelik dat Buurtwagte 'n geweldige sukses in Londen is en dat dit elke dag uitbrei.

BUURTWAG

Die term "Buurtwag" is slegs een van vele terme wat gebruik word om lede van 'n gemeenskap te laat saamwerk met polisiemagte in daardie gemeenskap om misdaad te voorkom.

Doel van Buurtwag

Die hoofdoel van Buurtwag is om die gemeenskap van 'n sekere gebied met die plaaslike polisie te laat saamwerk om kriminele aktiwiteite in daardie area te bekamp. Lede van die gemeenskap moet dus bewus gemaak word van wat om hulle aangaan, 'n groter belangstelling in hul verantwoordelikheid teenoor die gemeenskap as 'n geheel toon, en bewus word van hul potensiaal in die voorkoming van misdaad.

Die sukses van Buurtwag hang van twee dinge af. Die eerste is die betrokkenheid van die gemeenskap, en die tweede, die skakeling tussen die Wag en die plaaslike polisie.

Hierdie doelwit sal bereik word as die gemeenskap as 'n geheel:

- (a) 'n groter belangstelling toon en bewus word van wat in hul onmiddellike omgewing aangaan;
- (b) bewus word van hul gesamentlike potensiaal om misdaad te voorkom.

KORT GESKIEDENIS VAN BUURTWAG IN ANDER LANDE

Die idee van 'n Buurtwag het in die Verenigde State van Amerika ontstaan waar dit oorspronklik die vorm van "waaksaamheidsgroepe" in 'n omgewing aangeneem het wat strate gepatrolleer het om misdaad te bekamp.

In 1983 is Buurtwag in Brittanje begin waar dit heelwat gewysig is omdat die Britse publiek en owerhede die Amerikaanse Wagte as te militant beskou het.

Die eerste Buurtwagprojek is deur 'n sersant MacKenzie van Tooting se polisie-afdeling begin in die herfs van 1983 ná 'n bejaarde man deur 'n inbreker aangerand is. Die hele buurt was verontwaardig, simpatiek en geskok oor die voorval. Sersant MacKenzie het besef dat die bure iets nodig gehad het waarop hulle kon konsentreer, en omdat hy van die Amerikaanse Buurtwag gehoor het, het hy na sy hoof gegaan met die idee.

Binne 'n jaar is 55 Wagte gestig met sowat 1 400 huisgesinne daarby betrokke. Binne drie jaar was 190 Wagte met 6 368 huisgesinne in werking in sersant MacKenzie se gebied.

Die Britse Ministerie van Binnelandse Sake het 'n opname "Taking account of crime: Key findings from 1984 Crime survey" gedoen waarin 11 000 mense onder meer gevra is of hulle by 'n Buurtwag sal wil aansluit.

Daar is bevind dat die grootste ondersteuners vir Buurtwag persone in die hoër inkomstegroepe in moderne gesinshuise en jong gesinne in voorstedelike gebiede was.

Ander belangstellendes was mense in skakelhuse en in die luukse Raadseiendom.

Die minste ondersteuning het van mense in landbougebiede en gehuurde huise gekom.

Om op te som, daar is bevind dat huiseienaars die idee meer geredelik ondersteun as huurders, en gesinne meer as geskeides of mense wat vervreemd is van mekaar.

Vandag is daar omtrent 5 000 Buurtwagte in Londen en volgens Kommandeur Roach van Scotland Yard word soveel as 200 per maand gestig.

Volgens hierdie syfers is dit duidelik dat Buurtwagte 'n geweldige sukses in Londen is en dat dit elke dag uitbrei.

Omtrent almal wat by hierdie projekte in Londen betrokke is, het die verandering in atmosfeer in woonbuurtes opgemerk. Bure het mekaar beter leer ken, brûe is tussen die publiek en die polisie gebou en 'n meer bedagsame houding het in hierdie woonbuurtes ontstaan.

DIE SUKSES VAN BUURTWAG IN ANDER LANDE

Die Buurtwagskema word deur ten minste een versekeringsmaatskappy in Londen erken en aanvaar. Die "Royal Insurance (United Kingdom)" het 'n polis vir huisbewonders in April 1986 geskep wat 'n 5% afslag gee aan huiseienaars wat lede van 'n Buurtwagskema is.

AFNAME IN MISDAADSYFER

In die Balhamgebied in Londen het die polisie-afdeling 'n afname van 35% in die misdaadsyfer aangeteken. Dit word direk aan die sukses van Buurtwag toegeskryf.

Die polisie van Cheshire het vertel hoe hulle saam met twee gearresterde misdadigers deur die land gery het om vas te stel waar hulle oral "gewerk" het. Soos hulle oor die grens van 'n plek genaamd Mollington gery het, het die misdadigers vertel dat hulle nooit aan daardie plek raak nie omdat dit 'n "huiswag-gebied" is.

Die mees onlangse syfers vir die aantal Buurtwagte in Brittanje is 9 000 en saam met die baie stories van sukses daar en in ander dele van die wêreld, is dit duidelik dat 'n gevoel-ige slag teen misdaad geslaan is.

DIE BEHOEFTE AAN BUURTWAG IN SUID-AFRIKA

In die tye waarin ons leef is misdaad aan die toeneem, veral huishoudelike misdaad, seksuele aanranding, huisbraak en diefstal. Die slagoffers van hierdie misdade is gewoonlik stedelike huiseienaars met hul swaarverdiende besittings in 'n op hul eiendom. Die premies van korttermynversekering styg gedurig en dit plaas die beskerming wat dit bied nog verder buite die finansiële bereik van die gemiddelde huiseienaar.

Die algemene vyand is die opportunistiese inbreker wat sy "prooi bekruipt" en "die huis ondersoek" agter 'n skyn van onskuldigheid. Die behoefte vir die gemeenskap om saam te staan en 'n hegte front teen hierdie skurke te vorm moes al lankal te voorskyn gekom het. Buurtwag sal 'n netwerk van bewaking verskaf, wat, indien dit korrek bedryf word, sal sorg vir die inhegtenisname van baie misdadigers.

In 'n verslag wat op 25 Februarie 1987 in 'n uitgawe van "The Mercury" verskyn het, het die Minister van Wet en Orde, meneer Adriaan Vlok, gesê dat daar in Durban en die omringende omgewing binne een dag gemiddeld agt mense sterf, byna vyftig aangerand en drie verkrag word. Dit spreek vanself. Die minister het ook gesê dat 25 woonhuise elke dag in Durban en omgewing beroof word. "The Daily News" het oor dieselfde onderwerp verslag gedoen:

"Pinetown is nog steeds die gebied met die hoogste misdaadsyfer van al die polisiestasies in die omgewing, veral wat ekonomiese misdade aanbetref."

Die vlaag van misdaad word aan drie hoofoorsake toegeskryf:

Die ekonomiese insinking

Die noodwendige werkloosheid daarvan

Misdadigers wat die onrus-situasie uitbuit

Alhoewel die misdaadsyfer hoog is en dit die opportuniste en opsetlike midadiger is wat op die ou end verantwoordelik is vir kriminele dade, kan die toedrag van sake nie net aan hulle toegeskryf word nie. Daar is ook die passiwiteit en gebrek aan voorsorg wat die deursnee Suid-Afrikaanse huiseienaar toon. Vir baie lank het hy 'n taamlik rustige bestaan gevoer en 'n vals gevoel van sekuriteit ontwikkel met die houding "dit kan nie met my gebeur nie".

Die misdadiger maak staat op daardie houding en soek "'n oop deur" en "'n maklike werkie". Dit is hier waar Buurtwag 'n rol gaan speel.

Die dringende behoefte aan Buurtwag is onlangs bewys toe 115 Buurtwagte op twee openbare vergaderings in Pinetown, Natal, begin is. Serdertdien word twee bykomende komitees elke week gestig.

DIE STIG VAN BUURTWAG MET DIE STEUN VAN PLAASLIKE OWERHEDE

Om die idee van Buurtwag deur te voer is dit noodsaaklik om die steun van die algemene publiek, besighede en handel te verkry. Daarom is dit nodig om die idee aan die publiek te verkoop en te wys hoe almal voordeel kan trek uit die skema teen min of geen koste.

Metode van Toepassing

Die amptelike ondersteuning van die plaaslike owerheid moet verkry word.

'n Vergadering waarna inwoners uitgenooi word moet in een van die gemeenskapsentrums gehou word. Die burgemeester van die dorp of stad moet die vergadering open. Na 'n inleiding deur die stadsklerk moet die vergadering die volgende onderwerpe bespreek:

- Inwoners moet deur 'n kenner ingelig word oor die huidige situasie wat stedelike misdaad aanbetref. Statistieke en voorvalle moet genoem word. 'n Lid van die Suid-Afrikaanse Polisie moet dit waarneem.
- Die inwoners moet ingelig word oor die koste wat deur inbrake, diefstal, roof, ensovoorts veroorsaak word. Dit moet deur 'n versekeringsadviseur gedoen word wat oor die syfers van die aantal eise in daardie gebied beskik. Hy kan verduidelik hoe die Buurtwagskema die versekeringsmaatskappy se aantal eise kan laat daal, ensovoorts.
- 'n Lid van die Veiligheidsvereniging van Suid-Afrika moet genooi word om die vergadering toe te spreek oor huishoudelike sekuriteit en hoe Buurtwag hiermee kan help.

Nuusdekking

Om die maksimum blootstelling te kry, moet die pers van so 'n vergadering ingelig en die nodige kennisgewings betyds gedruk word. Die onderwerpe van bespreking moet ook genoem word.

Werwing van Wagbevelvoerders

Wagbevelvoerders moet by die inwonersvergadering gewerf word. Aansoekvorms moet aan die persone wat belangstel om Wagbevelvoerders vir hul straat of woonstelblok te wees, gegee word. Hierdie bevelvoerders sal, in samewerking met lede van die plaaslike owerheid, die gemelde komitees vorm.

As 'n gemeenskap nie die ondersteuning van die plaaslike owerheid vir 'n Buurtwag het nie, moet hulle na die relevante Inwonersvereniging gaan. Hierdie stap het gewerk in Marina da Gama, Kaap, en Johannesburg-Noord, Transvaal.

STRUKTUUR EN ORGANISASIE VAN BUURTWAG

Die sleutelwoorde in die funksionering van Buurtwag is GEMEENSAP, KOMMUNIKASIE, en SAMEWERKING.

Wagte sal in strate, straatblokke of dele van 'n straat georganiseer word. Woonstelblokke word ook betrek.

Elke Wag sal 'n Wagbevelvoerder hê wat ander inwoners in die straat of woonstelblok moet werf.

Daarna sal die Wagbevelvoerder die Wag saamsnoer en as voorsitter op plaaslike vergaderings optree om sake van wedersydse belang in verband met huishoudelike veiligheid te bespreek.

As gevolg van die topografie, straatuitleg en verskillende groottes van erwe is dit in hierdie stadium moeilik om die presiese omvang van elke Buurtwag vas te stel. Dit is nodig om elke Wag individueel te takseer en met die hulp van Wagbevelvoerders en plaaslike inwoners die korrekte grootte en struktuur van elke Wag te bepaal om die gebied te pas.

Gebiedsbevelvoerders moet bekend gestel word. Hulle taak sal wees om Wagte binne 'n gegewe gebied soos 'n voorstad of deel daarvan te koördineer. Die gebiedsbevelvoerder sal sy of haar gebied ook op 'n Buurtwag subkomiteevergadering verteenwoordig. Dié vergaderings sal op 'n gereelde basis gehou word.

As 'n plaaslike owerheid betrokke is by die Buurtwag in sy gebied, moet 'n groot speldkaart gemaak word wat die volgende wys:

1. Wagbevelvoerders se huise
2. Lede van die Wag se huise
3. Gebiedsbevelvoerders se huise
4. Grenslyne van elke Buurtwag se gebied

Die kaart sal baie help met die beplanning van die onderneming.

As die plaaslike owerheid 'n rekenaarsstelsel gebruik kan dit Buurtwag baie help omdat inligting gestoor kan word soos:

Name en adresse van Gebiedsbevelvoerders
 Wagbevelvoerders
 Lede van die Wag
 Veilige huise
 Dokters en verpleegsters in die Wag
 Lede van die Suid-Afrikaanse polisie en weermag
 Ander mense met moontlikhede in die Wag

Ook waar mense hulle bevind: is hulle weg met vakansie of besigheid?

Enige ander relevante inligting wat die Wag gestoor wil hê.

'n Komitee en stelstel vir samewerking in 'n plaaslike owerheid se gebied bestaande uit Wagbevelvoerders, die stadsklerk, hoof van Verdedigingsdienste of hoofamptenaar van Verkeersdienste, stasie-bevelvoerder, Suid-Afrikaanse polisie en die ondervermelde stelstel van samewerking word aanbeveel.

BUURTWAG SUBKOMITEE

GEBIEDSBEVELVOERDERS

GEBIEDSBEVELVOERDERS

WAGBEVELVOERDERS EN KOMITEES

WAGBEVELVOERDERS EN KOMITEES

AANTEKENINGE VIR WAGBEVELVOERDERS

Die Wagbevelvoerder moet besef dat die totale sukses van Buurtwag in sy of haar gebied van die entoesiasme van die bure afhang. Dit is 'n skema wat deur die gemeenskap saamgestel is en deur die gemeenskap bedryf word.

Nadat die Wagbevelvoerder almal in sy buurt genader het en 'n positiewe reaksie gekry het, moet hy al die bure laat byeenkom sodat hulle mekaar kan leer ken. Dit sal die ys breek en baie misverstande uit die weg ruim wat tot onlangs nog bestaan het. Dit is hierdie ongeërgdheid en klein misopvattinge wat bure van mekaar wegdryf tot die voordeel van kriminele elemente in plaas dat hulle saamstaan.

ASSISTENT-WAGBEVELVOERDERS

Wanneer die Wagbevelvoerder nie beskikbaar is nie omdat hy weg is met vakansie of besigheid, het Buurtwag iemand nodig om vir hom in te staan. Daarom moet een of twee assistent-Wagbevelvoerders gekies word om die Wag in sulke tye te koördineer.

VEILIGE HUISE

'n Veilige huis is 'n huis binne die Wag wat die hele dag deur 'n verantwoordelike persoon bewoont word. Gewoonlik is hierdie persoon 'n huisvrou, iemand in eie diens of 'n pensioentrekker.

Die Wagbevelvoerder moet ten minste twee Veilige huise in sy gebied vestig.

Die funksie van 'n Veilige huis is dat mense kan weet daar is 'n plek waarheen hulle kan gaan as daar 'n probleem by hul eie huis is. As 'n kind byvoorbeeld van die skool af kom en sien die voordeur van sy huis is oop en hy vermoed die inbreker is nog binne, moet hy na die Veilige huis gaan vir beskerming.

As 'n lid van die Wag in 'n ongeluk betrokke was en met sy familie in aanraking wil kom wat nie by die huis is nie, sal hy weet dat die Veilige huis bewoont word.

Die Veilige huis sal uitgeken word aan 'n teken teen die hek of heining.

As 'n komitee aangestel is en die eerste vergadering gehou is, moet die Wagbevelvoerder kontak maak met sy of haar plaaslike owerheid, polisiestasie of Inwonersvereniging om sprekers te kry om die komitee toe te spreek.

Sprekers moet genooi word om informele praatjies in die buurt te gee oor die volgende onderwerpe en die lede sodoende te help om 'n strategie vir veiligheid in die gebied te formuleer:

1. 'n Lid van die plaaslike owerheid of 'n kenner om te praat oor:

Die verhouding tussen Buurtwag en die plaaslike owerheid

2. 'n Lid van die Suid-Afrikaanse polisie om te praat oor:

(a) Burgers se regte om te arresteer in terme van Seksie 42 van die Strafproseswet.

- (b) Eerste skedule oortredings
 - (c) Die prosedure ná 'n burger iemand gearrester het
 - (d) Die gebruik van geweld om 'n arrestasie kragtens Seksie 49 van die Strafproseswet te bewerkstellig.
 - (e) Die gebruik van vuurwapens deur gewone burgers
 - (f) Misdaadbestryding in woongebiede
3. 'n Lid van Veiligheidsvereniging van Suid-Afrika om te praat oor:
- (a) Huisveiligheid
 - (b) Veiligheidsmaatreëls
 - (c) Veiligheidstoerusting soos brandkluis, diefalarms, beligting, mure en heinings.
4. 'n Lid van die Korttermynversekeringsvereniging om te praat oor:
- (a) Korttermyn huishoudelike versekeringspolisse

Die Wag mag besluit om 'n bedryfspesialis te kry om spesifieke produkte in verband met huisveiligheid te demonstreer. (Buurtwag word nie aangemoedig om sekere produkte te ondersteun nie omdat hy dan van die hoofdoel kan afwyk.)

Deelname deur Privaat Organisasies / Handelsorganisasies

As 'n privaat organisasie of handelsorganisasie homself met Buurtwag wil assosieer deur middel van borgskap, moet dit aangemoedig word met die verstandhouding dat Buurtwag geen kommersiële belangstelling het nie maar net produkte wil leer ken om die gehalte van lewe van sy lede te verbeter.

Wanneer 'n aantal inwoners se name verkry is, (ten minste 50% tot 60% van die Waggebied) moet die bevelvoerder inligting van die potensiele lede kry.

Besonderhede van Bure

Waarneming moet in die gebied gedoen word, en om suksesvol te wees moet die Wag weet waar almal is, hoe om hulle te kontak, en wat die normale beweegpatrone van elkeen is. As dit gedoen is, kan die gewone gebeure en vreemdelinge in die gebied makliker geïdentifiseer word.

Daar word voorgestel dat die volgende inligting deur die Wagbevelvoerder ingesamel word:

1. Name en adresse van lede van die Wag, ook van vroue, kinders en bediendes wat inwoon
2. Die werkplek van mans en vrouens
3. Telefoonnommers van die man en vrou by die werk
4. Skole waar die kinders is, in watter klasse en onderwysers se name
5. Huisadres van bediende(s)
6. Honde op die eiendom (watter soort)
7. Motors wat gewoonlik op die eiendom is - die soort, kleur en registrasienommer.

Beweging van persone

Bly enigiemand normaalweg bedags by die huis, soos byvoorbeeld 'n bejaarde, 'n huisvrou of 'n bediende? Indien wel, wie en gedurende watter ure?

Hoe laat gaan die man gewoonlik werk toe, en hoe laat kom hy by die huis, en in watter motor?

Hoe laat gaan die vrou gewoonlik weg en kom weer terug van die werk en in watter motor?

Hoe laat gaan die kinders weg en kom terug van die skool? Loop hulle, ry hulle fiets, met die bus of neem die ouers hulle weg?

Spandeer een ouer dalk baie tyd weg van die huis af? Het hy of sy 'n nommer waar hy kontak kan word?

Hoe kom bediendes by die werk? Loop hulle, neem hulle 'n bus of 'n huurmotor? Watter tyd arriveer en vertrek hulle?

Is die eiendom onbewoon vir lang rukke?

Besonderhede van eiendom

Die erfnummer van die eiendom

Is die eiendom omring deur 'n heining? Kan 'n mens oor of deur die heining sien?

Is die eiendom omring deur ander bewoonde erwe, of is daar 'n oop ruimte, bos of onbewoonde stuk grond naby?

Het die huis 'n diefalarm? Indien wel, is dit altyd aangeskakel?

Het al die vensters diefwering?

Is daar honde en word hulle toegelaat om op die hele erf te loop, of is hulle ingeperk tot sekere dele?

Is daar al ingebreek by die huis? Indien wel, hoe het die inbrekers ingekom en is die probleem intussen reggestel?

Is daar veiligheidsbeligting om die huis?

Is daar voldoende straatligte buite?

Kan 'n mens die pad duidelik sien vanuit die huis?

Is die inwoner bereid om sy huis 'n "veilige huis" te maak?

Opsomming

Wanneer die potensiele lede van die Wag hierdie vrae beantwoord het, sal die bevelvoerder 'n redelike idee van die bewegingspatrone van mense en veiligheidsvlakke van die huise in die Waggebied hê. Dan kan daar begin word om 'n effektiewe Buurtwag saam met die bure in die gebied te beplan en op te bou.

Al hierdie inligting is privaat en vertroulik en moet dus om veiligheidsredes slegs deur die goedgekeurde Wagbevelvoerders gehou word.

Die plasing van tekens

'n Groot deel van die oorlog wat teen die huismisdadiger gevoer word, is sielkundig. As die Wagbevelvoerder seker gemaak het dat al die "oop" deure nou vir die misdadiger gesluit is, moet hy tekens op die volgende manier in sy gebied plaas:

1. Groot borde wat aantoon dat 'n mens 'n Buurtwaggebied binnegaan moet by al die toegangspunte tot die gebied opgerig word nadat die plaaslike owerheid sy toestemming daarvoor gegee het.
2. Klein Buurtwagborde (omtrent 20 cm x 20 cm) moet op die heining of muur van eiendom wat by Buurtwag betrokke is, geplaas word.
3. Buurtwagplakkers (omtrent 12 cm x 18 cm) moet op die vensters of 'n sigbare plek aan die kant van die huis geplak word.

4. Die Wagbevelvoerder en assistent-Wagbevelvoerder se huise, en Veilige huise moet 'n teken kry soos in (2)

Die merk van eiendom

Alle artikels op Waglede se eiendom moet gemerk of gegraveer word. Dit kan gedoen word deur 'n afstrykpatroon wat nie verwyder kan word nie op artikels te plaas. Die patroon moet geplak word waar dit nie so duidelik sigbaar is nie. Items kan selfs met 'n ultravioletmerker gemerk word. 'n Elektriese graveerder sal nuttig wees vir die merk van tuingereedskap, ensovoorts.

Die merk van eiendom het twee voordele. Eerstens het dit 'n groot sielkundige uitwerking op die misdadiger omdat hy in besit van "gemerkte" goedere is. As hy gestop en onder-vra moet word wil hy nie hê die polisie moet weet dit is gesteel nie. Tweedens is die eiendom uitkenbaar as dit teruggevind word.

Die diefstal van fietse by skole is 'n groot probleem in sommige gebiede. Fietse behoort ordentlik gemerk te word en die herkenningsteken moet bekend wees aan die Wagbevelvoerder. 'n Plakker op die fiets kan sê dat dit 'n Buurtwagfiets is.

Telefoonketting

Die Wagbevelvoerder en sy komitee moet 'n inligtingskaart saamstel waarop al die relevante inligting van elke inwoner se huis en besigheidstelefoonnommer, en die adresse van die plaaslike nooddienste verskyn.

'n Telefoonketting moet gestig word. Wanneer 'n boodskap deur die Wag gesirkuleer moet word, kan die bevelvoerder slegs een persoon bel om die ketting aan die gang te sit. Dit sal sy uitgawes besnoei en hy hoef dan nie elke keer agtien of twintig mense te bel nie.

Inligting oor verdagte persone kan op dieselfde manier oorgedra word. Die gebruik van Burgerbandradio's kan ook nuttig wees.

'n Plan van die buurt

'n Klein plan van die buurt moet saamgestel word en moet die volgende toon:

1. Eiendom wat mure of heinings het, of oop is
2. Gebiede met onbeteulde bosse
3. Straatligte
4. Die posisie van huis sodat toegangspunte gesien kan word, ensovoorts.
5. Watter huise het diefalarms of paniekknoppies
6. Watter huise het swembaddens

Hierdie plan gee die Wag 'n algemene oorsig van die gebied, en wys die kwesbare plekke waar misdadigers dalk mag deursluip.

Dag tot dag bestuur van die Wag

Nadat die basis vir die Wag gelê is, moet 'n dag tot dag roetine uitgewerk word. In hierdie stadium moet 'n periode van 24 uur in twee verdeel word:

'n Dagwag

'n Nagwag

Die Wag gedurende die dag

Die Dagwag is die tyd wanneer meeste van die lede van die Wag gaan werk het en huisvrouens, afgetredenes en bediendes in die buurt aanwesig is.

Gedurende hierdie tyd is dit noodsaaklik dat die Wag moet aanhou funksioneer, en die Wagbevelvoerder moet seker maak dat die mense in die Dagwag weet wat van hulle verwag word as iets ongewoon in een van die huise plaasvind.

Die Dagwag sal grotendeels van huisbediendes afhanklik wees. Is elke bediende volkome betroubaar en weet elke werkgewer wat sy bediende se identiteitsnommer en huisadres is?

Die huise wat geen bediendes het nie moet 'n diefalarm en honde hê. 'n Duidelike prosedure moet nagevolg kan word as die alarm afaan.

Om onnodige reaksie ná 'n vals alarm te vermy, moet hierdie moontlikheid ook behandel word in die handleiding.

As 'n alarm gedurende die dag afaan, moet die persoon wat dit aanmeld enige manlike lid van die Wag wat dalk tuis mag wees, kontak. Die betrokke huis moet versigtig genader en van buite ondersoek word vir tekens van inbraak. As daar wel sulke tekens is moet die polisie onmiddellik in kennis gestel word. As die verdagte op vlug sou slaan, moet 'n bondige beskrywing van die persoon vir die polisie opgestel word. Die res van die Wag moet vanuit 'n veilige plek kyk of hulle nie die verdagte kan sien nie.

Die Wag gedurende die nag

Gedurende die Nagwag is meeste gesinne by die huis. Indien 'n alarm van 'n motor of huis in hierdie periode afaan, moet die persoon wat dit aanmeld die Wagbevelvoerder of sy assistent ook daarvan in kennis stel.

Die Wagbevelvoerder sal 'n telefoonketting begin wat die hele Wag sal waarsku. As almal gewaarsku is, moet hulle kyk of hulle nie enigiemand sien wat van die betrokke huis wegvlug nie. 'n Beskrywing van die persoon en die rigting waarin hy gevlug het, moet aan die Wagbevelvoerder gegee word.

Die Wagbevelvoerder, saam met 'n paar mans, moet die motor of huis nader en vasstel of 'n inbraak gepleeg is, net soos by die Dagwag.

Indien dit wel so is, moet alle inligting so gou as moontlik aan die polisie gegee word vir vinnige optrede van hulle kant af.

Indien 'n burgerarrestasie gemaak is, moet die relevante bepalings van die Strafproseswet streng nagevolg word.

Leë huise

Wanneer lede van die Wag hul huise verlaat vir besigheidsreise of 'n vakansie, moet hulle die Wagbevelvoerder vir voorbaat laat weet. By 'n komiteevergadering moet 'n bewakingsroetine uitgewerk word wat die volgende insluit:

1. Lede van die Wag moet daaglikse rondtes binne en buite die huis doen.
2. Iemand moet die pos, vuilgoedsakke en koerante na binne neem.
3. Ligte moet in die aand aangeskakel word sodat dit lyk of daar iemand tuis is.
4. As die eienaar vir 'n lang ruk weg is, moet die gras gesny word.
5. Enigiemand wat meer as die gewone belangstelling in die eiendom toon, moet as verdag beskou en oor sy bedoelings uitgevra word. 'n Nota oor die algemene beskrywing van die persoon moet vir verdere verwysing gehou word.
6. Die Wagbevelvoerder moet 'n sleutelhouer vir al die leë huise se sleutels aanwys of die sleutels vir homself hou vir die daaglikse rondtes.
7. Dit word aanbeveel dat 'n diefalarm en ligte by 'n huis geïnstalleer word wat baie leeg staan. Dit sal die Wag help om gou agter te kom as iets buitengewoons op die eiendom gebeur.

Die hou van aantekeninge

'n Deel van goeie polisie-optrede is om aantekeninge te hou en 'n goeie inligtingstelsel op te bou wat sekere patrone en neigings sal openbaar as dit bestudeer word.

Buurtwag moet 'n gewoonte daarvan maak om tye en beskrywings van vreemdelinge soos werksoekers en mense wat op en af in die strate loop, te hou. Hierdie rekord sal 'n tydpatroon wys wanneer die meeste vreemdelinge in die straat is. As dieselfde mense oor 'n lang tydperk gesien word en niemand hulle ken nie, is hulle verdag en ondersoek kan ingestel word.

Inligting oor alle diefstalle, inbrake en ander misdade moet gehou word. Dit sal Buurtwag in staat stel om sy sukses te bepaal en vergelykings te tref.

'n Vals alarm

Die storie van Peter en die wolf het 'n relevante waarheid vir Buurtwag, omdat te veel vals alarms die polisie en owerhede stadiger kan laat optree as wat die situasie vereis. Dit is dus nodig vir die Wagbevelvoerders om doodseker te maak dat dit werklik nodig is vir die polisie om op te tree.

As 'n mens in ag neem dat daar driehonderd Wagle in 'n groot dorp of stad kan wees, is dit verstaanbaar dat dit 'n negatiewe invloed op polisie-optrede sal hê as dit nie reg hanteer word nie.

Borgskap

Daar is vanselfsprekend uitgawes verbonde aan die skryfbehoeftes, tekens, plakkers, ensovoorts. Hierdie artikels moet gefinansier word met handelsborgskappe deur maatskappye en organisasies wat huishoudelike veiligheid wil bevorder.

Buurtwag is vir die gemeenskap en word bedryf deur die gemeenskap. Die sukses daarvan is afhanklik van die entoesiasme en betrokkenheid van die inwoners.